



南山外集

詩

一

和  
1482  
/

屬附學大田稻早	
館書圖	
寄第一	
漢詩文	
第 049 號	
第 / 卷	
出帶許不外館書此	



和  
1482  
1-4

天保丙申冬新鐫

仙臺古梁禪師著

# 南山外集

江戸書林 名山閣板



南山外集序  
憶昔遇仙臺古梁禪師於  
參政紀公座其為人之家法存道且  
出以顏淡書詞翰未因人偉  
之於世餘筆寫法來於懷極口

南山外集 卷之二 林序 乙

余以消息參政謝去乾四年  
 不復至其河如乃其下大橋生  
 自仙臺遂謂曰師本乘借八  
 十矣然不廢華師因出南山  
 策以卷曰師請公一評以空子



社余去其之五年蓋乃并其  
 卷先遇向時一取亦排書記竟  
 家訪三十卷風格甚古色江  
 漢通沈能上自五七之流下記  
 學之撰述一以見又非方外者

君悅悅之謔之他偉其傑  
 考之此博之變五之文如道紀系  
 以贈川子治亦以為此台之臺  
 取之體製亦取之今日文士中  
 實為少匹也也祿外之詞亦

亦有東祥萬尾後有漢海  
 大典第推書詩典以文勝師  
 能及及二人亦長如典之為人  
 及書之至書湖海家集歷侯  
 四座典少如師老長如第則師

在錄之新傳又非余不及對身  
 比余今日所譯也余与余政  
 交聲言深而師之見余亦因卷  
 政及新集之同世世余政之見  
 為之流然不學想涉雜始悟

勉之亦當同是一法之保乙未  
 年榴月林澆撰男純翁錄



津田弘道鐫

南山外集序  
 予嘗遊與羽越諸州探訪名山川  
 既還口南山上人嘖嘖不置曰吾足  
 跡殆過天下之半所交杰雋無數而  
 竟未有如士人之才思雄襟度宏曉  
 然獨立物之表者也予固藏之于方

南山外集序

家溥卿才十倍乎予。眼空一世。少所  
 推伏。嘗遊與羽越諸州。探訪名山川。  
 既還。口南山上人嘖嘖不置曰。吾足  
 跡殆過天下之半。所交杰雋無數。而  
 竟未有如士人之才思雄襟度宏。曉  
 然獨立物之表者也。予固藏之于方

寸嗣後每與知舊評權海寓名滕未  
 嘗不首及上人也又三十載客歲之  
 秋上人將訂其文詩以餞梨遠寄示  
 徵予詹言以弁首簡前乎是予獲屢  
 閱上人麗藻片羽殘甲不過繞窺測  
 其一端今展斯集庶幾可以見上人  
 寸學識之全耶蓋上人之詩採材於

漢魏六代擷菁華於四唐綺而不靡  
 清而能穩聲響鏘鏗之以洗滌里耳  
 文則涵涵濟濟任意吐露所見而規  
 矧森設風神盎然洋溢無愧一代作  
 手始知溥卿之溟滓心折固亦有由  
 又念與上人會晤得聽緒論其裨補  
 乎已不淺眇而了不能一接眉宇可

慨也已。自古禪林以詩筆播譽者。不  
數其人。西土如唐皎然齊已得。和  
尚及宋各寮子冷齋之倫。亦能與一  
時名賢。迭唱互和。寸華炳垂史乘。然  
特能在縉流中。翹乎稱卓異耳。今如  
吾上人。即驅馳詞苑中。之使當代才  
俊陝輸縮胸。喪膽而却步。詎不偉歟。

方今治之邇隆。文藝振興。以良工哲  
匠自居者。所向而有。顧都下曩日騷  
壇。有時望者。祈嚮頗舛。苟就易與速  
思。以尖新佻巧騰名。彼不能搖撼卓  
爾大家。而已曲易和。庸眾輩使之白  
葦黃茅。彌望皆是。崇古守正之儒。深  
為世道憂。欲以一釐革之。而力未逮。



以上人才學之裕。其於電掃藝苑之  
 淫哇。蓋優為之。惜其不在都下。以主  
 騷雅之盟也。予絆於薄宦。蹶躓乎紅  
 塵中。不能翩然簽屨。訪上人于千里  
 外。上人亦復齒德日尊。不輕出鄉。則  
 予與上人披覲之期。杳不可知。於是  
 乎時。緒斯集。洛誦潛翫。益覺溥鄉

評薦之不苟。而思一見上人之情。不  
 得不日切半中也。

天保乙未陽月下浣三日

蘇州山房古賀煜撰并書



南山外集 卷之二 翠羽山房

南山外集目錄  
卷之一  
五言古三十八首  
七言古八首  
卷之二  
五言律一百二十四首  
五言排律三首  
卷之三  
七言律一百零五首  
卷之四

南山外集目錄

卷之一

五言古三十八首

七言古八首

卷之二

五言律一百二十四首

五言排律三首

卷之三

七言律一百零五首

卷之四

南山外集 目錄 翠羽山房

七言律九十五首

卷之五

五言絕句三十一首

七言絕句一百十二首

卷之六

序十九首

卷之七

記五首

說三首

跋四首

卷之八

書牘十二首

附錄鹽松紀行一首

老師禪餘率以詩筆自娛今所錄存詩二千餘首。文不下三四百篇。其既散逸無由搜索者則未知其幾十百首也。璘等竊恐師百歲之後或併其存者亦且亡之。遂謀之同志。其詩五卷。文三卷。校訂上梓焉。蓋璘等隨得所錄。支干無序。初晚錯出。今之刻斯編。不敢加改定。存其舊也。

師今年齡八十。法體健在。筆墨遊戲。猶夫昔也。餘  
 勇所鼓。更百更千。未可縣度。則續刻之舉。待其蘊  
 崇。然後徐議。未晚也。同志其稿五卷。文三卷。外信  
 師平生之著述。多係內典焉。是編緝素贈。鼎世諦  
 居半。所以名外集也。淵源由外。素贈鼎世諦  
 天保乙未嘉平月上浣。自慧璘侍者慧璘同識。後首

書錄十二首

卷之二

南山外集卷之一

仙臺 釋古梁紹岷著 侍者慧璘錄

五言古

擬日本紀竟宴歌詩三十首并序

夫日本紀者冠冕歷史。藻黻文術。玄萌黃芽  
 之世。神道聖德之業。可以稽可以訓者。釋斯  
 安取焉。故聖武之朝。書成亡何。廼詔博士。  
 講諸內殿。蓋所以俾群臣習覈舊章。綜練奠  
 典。其旨遠矣。自時厥後。遂為中朝故事。世充

博士榮任。元慶承平之時。講業既竣。詔羣臣  
各分紀獻歌。天子御筵采覽。賜宴設樂。以  
贊揚焉。宜陽東殿。抽秘思於逸簡。茅洞春筵。  
班瓊漿於羽觴。蘋彼柏梁。興慶之盛。方斯茂  
如矣。抑雍熙之隆際。君臣之至樂也。而歌詞  
淳美。掌故典實。亦足以察邃古之絕風焉。嗚  
乎。承平繹騷之際。盛事若彼。當今休昌之日。  
曠典若此。時或講之。亦惟外官承乏。匪職越  
俎。事存而禮亡。又何足言。若歌與久。或謬采  
而訛誦。固昧時製之變。何在商權古今哉。爰

不自揣。望古興思。雜采元承兩朝之歌。易以  
漢魏六代之製。次第事時。裁為三十首。命題  
取諸江氏。脩辭一放本紀。若夫崇道摘藻。發  
春華於翰林。聖武開講。收秋實於祕苑。潛  
擬鳳章。敢揚鴻烈。極知貽鼓。楚缶於韶縣之  
後。美燕石於隋堂之末。之嗤焉乎爾。羣臣陪  
讌者。前後凡七十有三人。今之所采列。則左  
大臣兼行左近衛大將藤公時平。右大臣兼  
行太子太傅源公光。大納言藤國經。中納言  
兼行戶部尚書藤有穗。中納言兼行右衛門

南史外傳卷之一  
晉源貞隆少納言大江朝望少納言兼行侍  
從藤玄上參議左大辨紀發昭參議大藏卿  
平惟範參議行左衛門督藤有實大內記三  
統理平國子祭酒藤春海小內記藤博文吏  
部侍郎藤佐高左太史阿保經覽刑部少輔  
紀洲望諸陵令物部安興武衛次將藤忠房  
大學博士惟宗具範禮部侍郎兼行刑部大  
輔紀有世神祇大副大中臣源安則文章博  
士三善清行左中辨源常時右大辨兼行侍  
從藤忠平文章生源忠遠造酒正葛井清鑿

勘解由次官三千明大外記三統公忠凡二  
十有九人云

古別離

恭賦二神  
黃泉之段

瓊矛畫滄溟敷土奠八洲神匹已底績靈運乃云休  
何物往不復大儀有環周泚儼歸窮廬駕言隱幽居  
黃雲蔽重路追徒遵冥衢隔以千牛石幽明永殊途  
雙栖存隻影瑩瑩悲有餘滌身憶原水反心旋神墟  
悠悠千萬歲誰知靈與無

思兼命

賓曰

大陽暫蔽曜六合失方位百靈赴安河謀謨騁秘思

群議歸一神奇美兼衆知先曙鳴天雞萬舞呈百戲  
海峽賓出日天門窺重巖憑談天心动譁樂神威霽  
隙光纔照臨率土稱萬歲積思神明通精誠帝斯蒞  
四海一天窟何翅陽谷比

素盞鳴尊責躬

紛吾就下國隸草存願戀昇詣辭天原篤類垂殊眄  
傲德逞頑克恃恩茂友眷威暴瀆新宮斑駒迫齋殿  
蒙謫于冀方行且誇雄健素靈哭簸水死生託少媛  
一揮斬蛇劍微功贖往譴朝戒躬已黜夕改心乃善  
願在根抵國永奉蕃屏援

事代主命詠懷

群雄猶割峙海波尚橫流草昧俟神聖率土仰王猷  
高蹈孤島外戢景紫垣幽非追任公釣聊肆塵外遊  
振襟臨巨壑垂綸俯清漚靈禽熙沙渚瑤草被芳洲  
上帝屢斯眷天孫降中州讓德避物累求仁謝怨尤  
杭睨青雲表浪跡親白鷗頤神實神矣令名在千秋  
扶疎井上樹璫瓏井眉竝良媒託激水纏絲三歲情  
懷鄉非相棄天淵柰殊疴流風回雪彩輕雲蔽月明  
遺愛錦綵珠渚宮發寶瑩延佇蒼波濶羅襪不復迎

豐玉姬

怨別

寧唯媿形質太陰隔潛生

迎駕

天神回太曜照此瑞秀國嘉運會交泰瓊孫膺神籙  
巡幸臨下土靈蹕天行肅飛龍護雲旗豐隆翼霞轂  
執戈當天衢啟行舍我孰艷然我武揚群克咸懼伏  
我將會鈴川君當降西竺稜威排層雲溟滓瞻景日  
節彼千頴峰萬古仰靈躅

悼亡

眇聲發金石哀聲出肝膽肝膽勝金石平生不可斷  
思愛斷今日微命從將歿皋禽猶聞天哀聲寧不然

一慟籲天哭一聞或相憐

東征

於皇天祖業草昧闢神邦天日降靈曜曆祚在余躬  
蠢爾島嶼國狡焉肆海東伯仲咨徂征整旅戒元戎  
橫槩四州舟濯五萬里江神鳥導大駕寶刀屬夢熊  
威稜懍遐服宴歌殲群克停權青雲津奠邑白構宮  
奄有暨四表嶽牧會土中一王千萬祀永與天地終  
後嗣仰洪業寧知艱難功

觀武

西征尚未冠傳檄驅克神童子將何知皇化洽四濱



東伐奉斧鉞。閭外拂風塵。三尺叢雲劍。一丈捧日身。  
靈飈却野燄。妖蛇且逡巡。夷醜望旌節。羅拜迎神人。  
註詩輒猖獗。率土本王臣。嶺岼薄冰嶺。歸旆卷秋雲。  
瞻望懷吾孺。涕淚沾衣巾。何翅愛情感。赴海濟衆軍。  
伊余蒙推轂。奉躬殉國恩。生涯在革。茲將旋中原。  
中原漸困憊。恐先朝露泯。泯滅何足憂。精爽在帝宸。

武內大臣

養性

燒埆一畝田。坐望百斛年。躁競四衝身。安期久視仙。  
樹養本自殊。收享豈偶然。達人迴曠觀。長揖謝纏牽。  
脩性神斯王。安心身始全。清虛與靜泰。稟齡庶以延。

抱一且保和。奉之永周旋。於予蒙寵異。夙拍薦紳肩。  
奉詔察民風。剖節延窮邊。叨膺棟梁任。忝執大臣權。  
中間被譖愬。骨肉欲相殘。處以和平氣。幸免戮辱愆。  
三韓從王旅。八道蕩平還。皇威構不軌。距路擁控弦。  
甘言誅驕暴。竒計伏克頑。魯縞承彊弩。笑面待悍拳。  
克當倉卒際。優柔制剛堅。更受嬰孫託。久侍垂簾尊。  
一心輔五朝。游魚不脫淵。道德吾敢當。無為至終焉。  
名位實傷德。彊避亦乖天。膏梁信害性。過節願失偏。  
衆妙豈有門。要徼在一玄。吾踰期頤壽。帳中無祕篇。  
紳纓萃我堂。子孫環我前。庭卉皆瑤草。家井是醴泉。

非比南面術。願象河上賢。詹詹長生訣。聊為世人傳。  
大行被神命。依違終姑息。肆台續皇心。親征韓戎國。  
祖靈聿不僭。神言何敢食。分髮裝雄姿。橫鉞觀赴飾。  
徇師誓有衆。脫纜發皇城。飛廉送錦帆。長鯨為羽翼。  
海水襄戎境。陵谷齊衍溢。旌旗忽歷岸。戈矛森偪塞。  
酋民皆昏墊。望風相匍匐。一戎不喋孟。撫柔宣王敕。  
蠢爾閭胥氓。肇耀天日德。石星獻盟辭。正朔奉無極。  
世享懷永圖。春秋慎貢職。我豈好稱亂。兼弱依古則。  
惟戎有鬼神。寧以殘暴克。仰若祖神教。俯賴庶士力。

女流古所無。我生巾幗色。曷恐牝雞戒。來世為口實。  
天地貴交泰。陰陽存不測。欲知神道教。此行可以式。

應神天皇 恤舊

御舟十餘丈。壯麗類余皇。疾風行枯野。快便載為名。  
宸遊浮淡海。黃龍戲滄瀛。歲年就朽腐。舊物不忍忘。  
折為煮鹽薪。頒賜汾海氓。燼餘造琴瑟。清韻殊鏘鏘。  
不翅焦桐美。撫愛在御牀。鼓之理睿操。德音感衆情。  
恩信及豚御。豚魚通精誠。巨川貴利涉。化邦胡不感。  
乃知一人惠。一物被萬方。

王仁 詠花

南山外集 卷之一  
百卉枯槁日。衆音遏密時。江南標節序。嘉樹已先知。  
兔園澤虞矚。上林藹蕙窺。雪華催粉蘂。朔吹撩瓊枝。  
寧落衆芳後。須及上辰披。

菟道皇子

述志

少小在宮禁。嬪御長孱姿。頗抽載籍志。講誦幸得師。  
維皇縈篤愛。謨旨冊儲闈。困蒙雖自識。順承慰聖思。  
撫躬懷悔吝。循道稽危微。推長避睿指。處順守庸涯。  
抗館宇水陽。索栖愜夙期。巘嶧聯欄檻。彩翠擁階基。  
清陰息奔景。靜境杜躁機。眷物憐品性。玩化感遷移。  
崑壑自成趣。鱗翰各知時。豈高箕穎尚。聊寓濠濮嬉。

荆蠻不可適。文身非所宜。潛遜若不免。繼之以槁屍。

仁德天皇

感曠

高臺臨闈闈。飛軒靄翼翼。不見萬井烟。來往見菜色。  
崇觀輟臨覽。夕惕勞旰食。租徭免三秋。宮觀漏且側。  
昊天為薄眷。豐澤鼎恭德。景雲爛天色。嘉禾年蕤蕤。  
諸夏齊回面。子來樂貢職。始知天子富。外府寄萬國。  
期頤享大寶。仁風扇罔極。

屯倉阿彌古

養鷹

咸池饗爰居。貽嘲古與今。豈知脩賤技。罽羅獲靈禽。  
瑤德元舍火。產方且稟金。化育資勁氣。學習得人心。

奏獻膺皇盼。厲俊協睿襟。華絆隨遊畋。放擊試上林。  
巖野回星眸。晨風振秋吟。下韞一舉擢。脫臂百中擒。  
君臣歡娛洽。賞賚宸願深。克樹饑用勳。寧犯飽颺箴。

雄略天皇 校獵

葛嶺鬱崔嵬。千垂繞翠微。日御按晨轡。龍旗曝霽暉。  
校隊依崑壑。戈鋌拂虹霓。申令縱輕騎。將師警逸馳。  
白羽霜華散。赤駟電影飛。案節勒部曲。閱禽禮山祇。  
瓊賜浹徒御。飽醉不知疲。講武非荒志。遊盤寧失期。  
谷風凱鑿轉。林晷回旆移。街巷無居民。郊畛競旄倪。  
異矣星輿外。神人陪乘歸。鮒背驚且悅。山靈此追隨。

知我聖天子。與山享魏魏。

顯宗天皇 曲水

王室離不泚。少小混下民。思彼家人宴。爰命百僚賓。  
青陸轉季月。華桐殿徂春。洛飲獻舊章。禊儀續往塵。  
靈沼桃花水。左右擬洧溱。肆筵嘉樹蔭。授几激湍濱。  
祕駕回蒼螭。緹帷映霽雲。嚶鳴讓鳳吹。柔荑媿宮嬪。  
泛鼻穿落英。戲魚弄初蘋。醉德睟容穆。霑醴歡舞頻。  
達生隨萌節。布和及令辰。樂來景不居。歡往蹤欲陳。  
庶留在藻詠。芳韻永不淪。

段揚爾 羈官○段揚爾百濟人  
七年從貢使入朝充五經博士十

年與高安茂  
更代而還

外臣承嘉命。泛海朝大東。結髮攻經藝。貢選奏微功。  
矯跡歸聖化。觀光神明邦。神明建皇極。天造垂無窮。  
帝圖軼三五。禮樂自泐泐。百辟多後人。簪纓瞻玄風。  
職雖守顧問。五經詎能通。玄冕飾我元。治服藻我躬。  
道重稟才輻。責臨名望空。紛綸讓談論。鼓吹謝文雄。  
恩渥寵光洽。包茱均華戎。經筵方三載。負乘夕忡忡。  
洵美非吾鄉。願言旋藩封。望闕多眷念。陞辭榮賜豐。  
俗土雖信陋。賤好永得從。

秦酒公 彈琴

樓臺一何危。琴瑟一何傷。臺成良工罷。曲闕倚桐蔭。  
良工何以苦。為君此徜徉。織手何以勞。庶君一傾聽。  
一旦得微愆。陰閔不測生。生死不足言。惜君千古名。

王辰爾 接客

昔在鄰敵國。戎好通行人。戰國兵車會。揖讓總蕩淪。  
主賓迭蹇傲。口給訖誕言。謏才駢曲智。懸河注詞源。  
晏嬰辯枳橘。秦宓逞譎論。豈是盛德談。禮容曾不存。  
何不仁義勝。徒要競辯園。寧知眇跛戲。流血駭中原。  
何況麗奴輩。變詐敢狡獪。貢獻迎變使。承乏充擯介。  
縮羽寫表疏。文蹟難遽解。聊出副急計。宣讀得奏對。

南山外集 卷之一  
狙巧試皇朝。適足顯蠢昧。乃類烏賊墨。奸署欺券契。  
破環慙齊后。鄙事畏聖誠。哿矣延州賢。歷聘寶諸夏。  
觀舞贊聖德。聽歌別哇雅。邂逅觀君子。忠告戒來禍。  
美譚芳齒頰。馨香永傳播。

巴提使奉使

祇使帆瀛海。銜命別親交。發櫂扶桑津。弭節渤海濤。  
携子兼忠教。聊慰于役勞。釋舟宿濱館。夜雪沒垣壕。  
忽報失所愛。徒旅驚嗷嗷。蹙起天方曙。及門授佩刀。  
山樊見虎跡。銀屑塗鮮膏。正逢負嵎者。眈眈畜餘嫫。  
履尾不畏噬。責罪奪咆哮。國主尚臣妾。慎服聖明朝。

伊爾在封域。殘暴敢怠然。天朝有明憲。使臣不相饒。  
怒髮衝憤冠。眦血濺錦袍。揮劍斷身首。屠割磔皮毛。  
怒定方兩淚。慈至始哀咷。昔聞嬴博喪。延季三袒跽。  
勉勵愧古賢。憂心徒怛怛。王事雖靡盬。中情鍾吾曹。  
竣使肅歸鷄。雲波魂屢消。復命且陳故。悲勇動百僚。

推古天皇 藥獵

好生雖戒殺。蒐狩豈闕如。常在簾帷內。講戎恐忽諸。  
爰整姬羌旅。涉獵菅蒯區。繇菴徹具體。依山設周陸。  
野廬施帝幕。甸帥肅清除。行衛隨尚藥。列卒荷鏹鋤。  
小戎絃服隊。輕軒靚糝徒。非因三農隙。寧備百司儲。

南山外集 卷之一  
道澗采蘊藻。循阿將蘼蕪。芳氣筐筥裏。香風結禱餘。  
苓辨龜蛇性。木分赤白殊。養生松葉醞。潤身蒸花腴。  
仁壽若可躋。庶與氓民俱。

浦島子

遊仙

石火非恒燄。電燿豈停焯。百歲在轉瞬。天地寄蜉蝣。  
劇志裂塵網。翹蹤期滄洲。晨辭瑞江澁。夕釣餘沙流。  
靈谿可潛槃。豈攀十二樓。垂綸駕神蔡。容裔且翔游。  
惚恍覲麗質。善昧回明眸。瓌姿中穠纖。艷度適短脩。  
粲然啟皓齒。微辭稱好逑。孤繫歎袍衣。獨處笑牽牛。  
嬾姍凌滄漉。指顧入蒼瀨。瓊宇排空明。綺筵褰翠幃。

孟凡紛交錯。圓方薦珎羞。乍邀南湘伴。更命漢濱儔。  
明珠映水碧。清彈發妙謳。湛歡窮晦朝。俯仰踰春秋。  
秋氣方慘澹。修典懷土愁。愁來境已殊。人神不相收。  
願境彼非有。撫身我尚留。還鄉皆蕩變。暫樂駭久悠。  
纍纍雲仍冢。霜露蓬科稠。山川猶革故。身世况如漚。  
悽惻與孰訴。躑躅倚道周。率彼神渚汭。眇焉亦奚求。  
祖龍無靈分。徐生有竒籌。寶貨與振童。泛泛青翰舟。  
遠投仁壽國。避暴保天休。蓬萊若可至。彼詎止熊丘。  
熊丘果蓬萊。之子徒遠游。

伊仝儺

徇節

將軍出二道紀律有短長不幸從數奇先軍入蒼茫  
深輟戎馬地虜騎圍千層風沙轉戰苦身命兩相忘  
空考尚奮擊白刃更飛騰只張一斗膽不持一半冰  
百六報國地肝腦膏虜庭萬里神州日遙照國士腸

聖德太子興法○太子之事世多議者非風騷之所得而辨今姑詠興法

其事以贊其一德耳

夏后治洪流庶民方聚石凡流昧創功近士眩成跡  
矧彼超世教天人極幽碩三際疑禱張累劫駭繇邈  
其夢王感漢皇踰漠勞星使榆檣成寶策法輪併東  
逮於皇大和朝大教自然至時緣臨隆際不信將何

遲其二蕭相經漢宮黎民識至尊塔廟標神跡宏麗敬

信存蘭橈蔚初架珠幡爛方翻上栖三果侶下闢四

攝門其三四攝撫群有無緣育黎首日用不相知皞皞

躋仁壽王度與佛戒兩端以相叩憲章苟不犯何人

淪苦趣其四天下無二道聖人無兩心至矣荀卿言內

外本為鄰報應以徵恣憲法以經綸萬幾攝萬法一

道垂正因其五

孝德天皇 遷都

大化紀王猷函夏熙昌平量方制甸域辨物造皇京  
安故恤庶性重遷柰民情官階以級進元節昭度成



南山外集 卷之一  
矯俗節喪文。斷殉惜生靈。聲教桂林外。黃耆識聖明。  
還慚越裳鳥。叩膺符瑞榮。

文武天皇

釋奠

皇儲嚮經藝。蒸蒸體純粹。虛懷鯨明德。秉志窺道祕。  
欲脩千秋業。頌興百世祀。時泰序彛倫。道長重師位。  
皇情眷前典。台保據往議。仰古欽聖猷。俯今建民紀。  
啟庠候爽昕。立學弘講肄。牲致六衛府。座配郊廟司。  
東西競家學。四道試茂異。濟濟引時彥。僉僉合胄子。  
心存千仞德。目想兩楹睟。翔集詩書闡。逍遙禮樂肆。  
一時移溥風。奕葉傳明制。洋洋垂化範。嘉奠從此始。

崇道王

論文

逸矣上世音。辭氣合太和。神秀毓人物。言靈助國華。  
都俞廟堂上。典謨傳齒牙。清芬遠鄙俗。雅婉謝淫蠹。  
徒說若無載。臚言久恐差。假彼蒼史跡。比諧記言詮。  
離合理始舉。顛錯義方宣。雖則涉紆回。羣言得由傳。  
伊余援柔翰。弱冠稱斐然。皇戚忝葭葦。朝夕對御筵。  
竊輕淮南辯。憲章河間賢。被服體道術。求是奉周旋。  
僤勉班馬業。肅詔總纂編。雖非一王制。亦足垂百世。  
懿矣二三哲。備我勸裁製。洪業賴潤色。曠緒整緝綴。  
斯文庶不朽。奎彩儼象繫。

聖武天皇 講史

治道不在文。去文將焉取。王載何以述。悼史茲自古。  
 屬比歸聖削。折衷徵鄒魯。泚慝從權衡。鄣瘴踰袞斧。  
 前朝得良史。編脩初垂矩。紀傳兼繫年。列聖接群輔。  
 寶籙曾不講。春秋閱內府。不食類苞瓜。皇度亦何補。  
 欲聽金華論。緬追白虎武。北辰拱紫殿。東壁爛宸宇。  
 玄端環尚席。青衿列廟廡。妍談斥干雲。約言貴沒羽。  
 虛集懋朝飢。實歸沾醇醪。民鑒迪臣術。崇德贊帝祜。  
 後嗣庶不隕。永在禮典數。

詠僧史

偉哉觀佛業。三昧是正因。悠悠像季下。超生寧無人。  
 雁門出開士。靈慧獨絕倫。抗跡潯陽岳。瘳莫栖法身。  
 忘泉抽朽壤。膏澤降曠旻。謹律息心侶。克勤清信賓。  
 攝齊趨藕社。專想究昏晨。雜懷擅文彥。高尚揖王臣。  
 翹志指西極。妙境乃冥神。應感匪彷彿。寶軀儼相親。  
 珠網映菡萏。華幢曜燭銀。可知至樂域。般若自為鄰。  
 生滅豈虛誕。維火傳異薪。慈航帆願海。悲筏濟迷津。  
 匡廬猶不遠。千載仰嶙峋。

悼怕侍者

怕乎甫志學。給事不離傍。資性雖椎魯。謹慤頗循良。

呵勵策局促。煦嫗或褒揚。焚儀稍具體。行願漸知方。  
期爾慎縱逸。南詢免面牆。如何未及秀。一旦蕭然僅。  
季夏方隆暑。燁赫殆超常。爾請省親邑。衆皆畏暍傷。  
少年風生意。姦舉已併裝。遠涉蒙鬱燠。歸來就病牀。  
慚其符衆諫。強飯示健強。病勢日加劇。綿綿減飢採。  
百藥都無驗。溘焉向玄鄉。終期如耆衲。順委自安祥。  
萬事皆已矣。一慟斷冷腸。群理歸變化。脩短齊彭殤。  
學日雖云淺。勝因吞金剛。定知駕願轂。妙域覲勾王。  
秋禽呼新窳。秋雨暗幽岡。精爽非生滅。為薦一炷香。

感遇二首

大夢三祇劫。小夢一百年。年劫謾遼邈。古今疑促延。  
茫茫誰一覺。慚愧爛熳眠。海漚千世界。電拂幾聖賢。  
未剖微塵偈。徒玩半滿篇。吁嗟乎已矣。寡廉芥裏天。  
昨日山中木。不材終天年。今日主人雁。反以不材顛。  
衆故無一定。易地奚不然。兩間有餘地。綽綽保兩全。  
龍蛇與時化。時世變丘淵。法界一磅礴。十虛信周旋。  
群理各紛錯。圓照豈中邊。偏議互枉直。堅白徒交交。  
其六聞狐鳴  
狐鳴與鴉噪。惡聞世俗人。吾愛之二物。於人為忠臣。  
告凶戒來事。前知性有神。苟聞防未萌。言動省其身。

日日能如此。凶去休祥臻。烏保三松壽。狐熙千載春。  
唯因逆耳聲。衆俗謾相輦。太上貴達觀。吉凶任屈伸。  
其次聞前警。小心以怕怕。下愚何足言。聊且報薦紳。  
秋保村偶作  
藩大夫秋保氏實為平內府重盛  
之裔嘗食邑於此地今存者蓋家  
後宰之  
平家昔跋扈。勢炎日烜赫。陸原壯第居。潭潭歷帝宅。  
威福挾天子。豪貴傾百辟。貫盈榮衰變。一朝蒙天譴。  
倉皇赴西海。離散之蠻貊。茫茫六百年。往往顯遠跡。  
仙臺秋保村。盤谷最阻僻。鬼神呵不祥。層巖沸靈液。  
吾來且游浴。濟勝起懶躡。田園盡一矚。風壤何寂莫。

土民多姓平。雲仍存血脈。可惟諸平暴。後嗣尚繹繹。  
內府獨稱仁。知是賴遺澤。當此昇平時。萬類皆啟闢。  
浹自縱延賞。徜徉良自適。

病中讀止觀病患境

有身即是病。科即第一苦藪託業根。四蛇障聖道。升沈  
惱精魂。毒器何足惜。保愛不知恩。果躬猶現痛。幻軀  
不在言。偉哉果耶僂。偃卧病法門。萬法赴一病。不二  
興玄論。病願彌法界。悲誓遍乾坤。病際若一達。憂喜  
蕩無痕。調適是大藥。枕席道品存。宛然病中理。瑠璃  
潭底焯。安忍雖清淨。執守亦相諉。優遊法流裏。大車

南山外集 卷之一  
恣妙棘。却嗟平健者。悠悠度寒暄。重擔非他物。觀窮  
逢道源。

陳子昂集題南山家園林木交映盛夏五月幽  
然清涼獨坐思遠卒成十韻余在山庵偶值此  
景因賦以自娛

南園百畝地。雲木聚清陰。紆徑遵溪色。軒窗隱邃林。  
水石相輝映。圖書日夕深。檐峰供卧覽。樵路雜鳴禽。  
閑懶偶相得。身跡似天心。澹我以烟景。娛我以衆音。  
蕭然栖幻影。無復是非侵。緩策玩幽象。縱涉到水潄。  
歸據鹿皮几。詩思發浩衿。不知生有涯。當念略古今。

七言古

崔雉行

海蛤本是雀。淮蜃本是雉。萬化非偶然。不知何苦爾。  
趙鞅曾歎人。不如竇犖抗言規。簡子物化從來兩。不  
知榮辱謾說目前理。形骸遷化何足言。人心危微聽  
我論。方寸封疆不自保。朝秦夕楚頃刻翻。有客有客  
元個儻。口具傲骨曾歇髀。幼年能誦等身書。少壯中  
原游道廣。爾來足跡遍寰區。才名落落滿江湖。中間  
不知幾十化。一化漸消一壯圖。壯圖消盡秋瑟瑟。狂  
風吹落西山日。天荒地老無人知。一榻脩然掩禪室。

默坐回觀萬化宗。化去化來不見蹤。萬化化中化不  
得。峽決河潰轉從容。樂郊樂郊得其所。歲歲花開歲  
歲同。

讀白河王詞宗夢遊桃源之作

百王承弊競戎馬。中原鞠為戰龍野。祖龍橫海水滔  
滔。噓噓雲霧吞六豪。秦網密。秦文峻。括人飛。遯掩林  
皋。紫芝曄曄商洛閔。紅旆灼灼武陵邃。武陵源遠溪  
水深。遼邈幽踪絕古今。帶礪山河忽安在。鼎峙形勝  
何處尋。三馬食槽天地換。興亡代謝在昏旦。洞中父  
老總不知。偶迎漁客始歎惋。洞中之樂信堪歡。榮辱

升沈不相干。良田美地春色暖。黃髮垂髫共團樂。本  
是漁郎無仙分。絕境一辭難再問。白河傲吏王詞宗。  
功成乞骨退從容。蕭灑清風園圃裏。曠世獨比桃源  
蹤。桃源畫記偶玩覽。心目髣髴夢中感。幽情相得不  
相驚。雞黍歡筵興間澹。桃花歷亂春為常。寧向人間  
問興亡。千古之下萬里外。笑殺當年老漁郎。

鐵笛歌送白文饒還尾藩

霜筠煙竹龍鳳管。岷谿嶰谷傳貞幹。今古良工各不  
同。巧思秘製異長短。高堂座客且莫譁。別有仙臺鐵  
笛歌。仙臺城外翠羽里。居民業鍛巧煉磨。制得剛鑿

南山外集 卷之二  
堪繞指光彩艷發銀樣美。試授律度管方成。吹起清  
商與流徵。君不聞尋常之管氣不全。吹至至音碎。劃  
然鐵笛聲聲欲裂石。況亦其壽不知年。盲師賤工何  
足道。文人別自存異操。季長伯喈桓子野。千古遺芳  
地未掃。蓬萊畫客句文饒。落落風襟有高標。臨畫盤  
礪吹橫笛。哀引清弄轉。其寡座上已見滄洲趣。更聽  
老龍吟風雨。視聽變幻一何奇。對此正信精靈聚。遊  
遍松島與仙臺。興盡天涯首重回。春風忽理思歸引。  
羈鶴嗷嗷入離哀。臨行不贈繞朝策。晉下鐵笛為君  
釋。梅花落盡柳依依。西望中原雲一碧。中原足跡我

曾周對君畫圖憶曾遊。請君一別二千里。臨風為奏  
古梁州。

鹽松舟中歌

吾昧馬師旨。不吸西江一口水。亦乏支公錢。不買沃  
州半片山。但有七尺凌雲錫。跋涉山水從所適。昔年  
足跡遍中原。西北勝槩多經歷。越居十年東海濱。但  
與山水為主賓。未攀海上金華岳。松島煙浦近堪親。  
此日同遊共語晤。昧舉兼誇濟勝具。郊廛期會原驛  
東。壯襟飄飄始取路。一路清風吹仙骨。纔到鹽浦日  
已沒。天上陰晴明難期。薄夜放舟先問月。月露瑩瑩

南山外集 卷之一  
照行杯。波沂月且低回。鐵笛一聲山水靜。籬島便是小蓬萊。向晚慘愴海雲曠。須臾歡呼報朝霽。片帆重下千松洲。送迓蒼蒼翠翠際。蒼翠總是畫圖中。有客揮毫模天工。舟移景轉心不給。擲毫悵然嘯長空。長空潮水盪落景。玻璃一色秋光冷。潮頭殷聽瑞嵩鐘。偃帆收樽入靈境。昏黑攝衣叩上方。寂歷香燈鎖禪房。匡坐共說曹溪月。海天未見摩尼光。陰雲半翳黃金面。妙相惱人時隱見。肉眼相對不相逢。瞻仰舉頭不輟倦。海畔樓臺人嗟歎。深沈夜色更欲闌。龍鍾相顧撫枕席。千金誰能買一歡。鄰叟七尺凌雲杖。此

時何亦堪技癢。擔來聊擬魯陽戈。向月一揮帝珠網。松島之月人所求。年辛多遇風雨愁。寶錫點開光明藏。天上人間兩夜秋。

釣狐行 題畫

若有久予原之隅。黃茅白葦掩荒蕪。帶女蘿子被澗藻。須臾窈窕見妖姝。陌上姍姍去又留。率彼幽草似有求。長袖颯纒秋風暮。妍恣妖態喜且憂。草間有物類苦獲。巧設暗機施薄夜。蛾眉顰蹙意飄搖。香膏芬苾鼠為災。一前一却步遲遲。東顧西眄幾回疑。紅裙漸見有芄者。流涎大嚼轉綏綏。一跳投網網機發。哀



叫百計何得脫有人闖然屏翳間且罵且呼連鞭撻  
媚魂精魄一時摧紅粉青蛾安在哉腥臊欲充贖夫  
腸收網擔獲揚揚回惟爾神靈不可屈古來瑞妖轉  
况歛董生惟邊抗談經張華座上驚博物如何一旦  
貪微浪輒為片餌喪精魂狼狽何曾暇丘首三德此  
時曾不存世上悠悠名利客俱將腐鼠爭相嚇甘向  
畏途蹈危機何知生年不滿百少時曾見雜劇場狐  
妖變態巧扮裝縹帽緇袍老衲子口腹僅潤躬乃僵  
妖乎妖乎何足恠物欲眼前信可誠請看今日世人  
情分明描出一幀畫

李供奉讚  
大雅不作王風散  
龍虎啖食正聲亂  
個儻生澹蕩人  
刪述時乖老詞翰  
古月清風日本裘  
醉鄉天地樂衍  
衍

摹象行

金河沈彩華林遲道裂真喪各乖馳  
玉石蘭艾不可辨異同堅白轉支離  
君不見衆猴曾探波際月浮影  
搖蕩謾相疑萬古依然天上色  
雲行風飄終不虧又  
不見衆瞽曾摹上林象  
箕杵寶繩徒妄想眼前魁質  
其如山可憐親近還悵惆  
瑤光之精毛羣雄雙眼一

開不可罔。大道由來何曾差。誦文閣證自蹉跎。不二  
說三百不中。白紛講論慚愧多。劒首一映擬雷震。兜  
羅眊上疾風過。睡相似寐愈散。渙昭昭靈靈更易亂。  
窮理盡性果何為。至人未免金鎖難。香城敲骨雪頰  
投。誓盡煩慮幾日斷。披雲觀月月月初明。得意忘象象  
可看。香象到處竟無前。普賢界中萬象燦。

畫山水歌

作畫祇須作山水。滄洲趣在阿堵裏。雲嶂煙濤逐意  
生。岷洋歷落開窗几。豎揮三寸當千尋。橫灑數尺體  
百里。蒼梧眇緬九嶷青。欲暮亂帆落洞庭。洞庭已陵

無限路。縮地移來六扇屏。意行筆從風習習。一段精  
神天欲泣。飄若驟鸞過蓬瀛。傍觀心目不相給。卧遊  
時對海岳雲。恍惚夢魂入糾紛。是邪非邪山兼水。前  
身莫是宗少文。

南山外集卷之一

南山外集卷之二  
三  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十  
六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百

南山外集卷之二

仙臺 釋古梁紹岷著 侍者 慧璘 慧琿 錄

五言律

僧歸夜舩月

招提臨古渡。夕月照歸僧。彼此本同岸。往來唯一乘。  
戒珠秋色淨。定水夜光澄。倚棹揚清梵。魚龍肅不應。

寄南部崇源禪師

秋意已堪掬。爽涼醫病禪。遙知輕利體。能作吉祥眠。  
片月同床色。孤鴻各夢天。臨書憶往興。彈指十餘年。

寄田伯休

先生何淡蕩。於世亦悠哉。養性善醫國。治人能愛才。  
夕陽碁伴散。夜月醉朋來。但有盈觴色。千秋一笑開。

題畫

落日空江靜。舍舟上綠岡。長天何遼亮。煙浪正微茫。  
遠思生清景。虛愁集晚涼。不須尋綺皓。幽賞在吟觴。

過柳齋故居

俯仰猶疑夢。平來感舊情。無心患後事。有子稱先生。  
棋社存遺愛。茶禪失主盟。蕭蕭枯柳樹。早已著秋聲。

宿島寺

四面皆蒼海。高幢絕島巔。慈航登彼岸。淨刹俯深淵。  
孤月分群暝。一燈謝萬緣。毒龍不湏掣。高卧是安禪。

舟中夜雪

飛雪行舟外。暝陰夜更重。巧緣空隙入。偏向暗中濃。  
翳翳津樓火。齶齶島寺鐘。苦寒蓬底客。泛泛任浮蹤。

九日

閑居憐九日。寂寞似窮愁。雁度楓天雨。人來菊徑秋。  
惟餘一酌酌。不負舊風流。君看登高者。茱萸插白頭。

過大內子英宅

窮巷陋何有。經過好會文。晚涼排畏景。殘雨滴行雲。

南山外集 卷之二 魏 城鼓催詩速鄰琴供客聞。須知交際適歸興夜方分。

避暑

暑日遊何處來尋溪寺僧。蕉衫猶長物筠簟是良朋。境靜涼風到身閑物象澄。却疑城市客偶至說炎蒸。

丁卯歲晚

寒色煙蘿外春風欲到梅。窮陰變林景微雪宿牆隈。遲暮人無那流年老共來。儵然安末路峭坐古香臺。

風不鳴條

條風自南谷巽德扇和熙。解凍魚初躍過花鳥不知。昇平五日瑞淡蕩萬年枝。化國饒行樂冲融淑景遲。

春曉

祇樹栖鴉動微茫曉色分。岳鐘敲落月城鼓響春雲。餘雪半窗白殘香一室薰。熹微禪誦處初日照金文。

春盡

也知芳序盡茅宇落花閑。聽雨憐新樹看雲思故山。清吟四句外奇跡百非間。幽窗來起懶啼鳥太慙慙。

殘暑

新秋何處至。徂暑有餘蒸。羽翼寧堪棄。葛衣欲不勝。踈螢來露榻。飛蚋撲風燈。纔免夏畦病。清涼在曲肱。

荅正傳老師見寄

南山外集 卷之二 三 翠羽

廬山何突兀。一別竟憑誰。去住雖無著。行藏自有時。  
乾坤猶愧客。日月是吾師。衰鳳休重問。秋寒戢羽儀。

賦秋雨病僧閑

微軀方丈潤。幻跡寄幽吟。三折誰從驗。九丹無處尋。  
閑中秋色老。病裏雨聲深。觀苦須知樂。嗒然坐擁衾。

讀絕海禪師集

道華揚海外。遺草想高蹤。跋涉三韓地。經行五竺鐘。  
波濤激壯志。霜露練禪容。天地留詞賦。何人旦暮逢。

送人之南紀

南遊觀壯志。別賦戒孤征。鵬翼垂天外。鯨波幾日程。

靈踪高野寺。詩興和歌城。預知三神助。歸來藻思生。

一華菴

在松島

一華開寶地。巖竇似仙源。楓色圍秋寺。江光映晚邨。  
迎人松子落。無主竹陰昏。獨坐白茅下。幽情誰與論。

九里橋

驛路孤征遠。秋風九里橋。土音知國異。羈況倦途遙。  
霧裏河聲走。霜前樹色凋。家鄉日以隔。平楚轉蕭條。

逢雨

客況逢風雨。蕭然出野城。層陰籠樹暗。駭浪拍橋鳴。  
已涉千重嶺。猶餘數日程。斯文堪自護。寶杖伴孤征。

乍住 甲寅

虛名竟為累物色及林丘乍住如秦贅幽吟類楚囚  
孤生天問外竒跡客心愁餘得雲遊趣扁舟松島秋

秦涼院新成三首

結宇倚幽處蕭森碧桂叢清池先得月新植始禁風  
去住孤雲跡經營一畝宮向來江海意冥坐付真空  
地僻軒驟絕亭新夕景明樵歌入林遠牧笛出雲清  
樞驥忘千里濠魚樂一泓茗甌與書裘猶自累斯生  
江湖猶在目林壑似忘歸曳石閑中役拈節靜裏機  
杉風生暮籟竹日散清暉幽梵戒群動冥陰鎖翠微

五丈原武侯廟

高原一瞻眺落日古情深社稷三分業君臣千載心  
松杉營趾在雲鳥陣圖沈遺廟秋風晚似聞梁甫吟

曝書

梅潤厄圖籍課童曬霽陽梧陰移縹素竹色上巾箱  
梵漢千年迹卷舒半日忙五車非我事獨學免多方

滕子英見訪

遙移城市跡幽矚在林塘地靜山雲住秋深巖桂香  
形骸無內外風日有炎涼病後柴關閉憑君興轉長

過大藏寺

南山外集 卷之二  
老禪棲隱地。斗閣俯蒼茫。鉤幔烟霞際。焚香水月場。  
已秋山色爽。其雨海雲忙。歸路本非遠。幽情隨意長。  
含暉亭夜話

清露溥將滴。踈簾夜色沈。殘螢依暗水。老鷄叫幽岑。  
衆影歸孤月。千聲集一林。靜觀兼竊聽。誰問主人心。

夏日偶興

山鳩響新樹。晴翠擁林間。解蘊薰風下。湘茶穀雨餘。  
藥欄橫迸筍。苔徑老殘蔬。幽卧貪長日。床頭數裹書。

山堂茗興

瓦甌綠芽色。酣暢代金壘。深語應吾輩。艱篇許爾裁。

晴窗栖蝶影。幽几落香煤。勝事唯閑適。清風滿座來。

丘中春卧

塵外玄關靜。丘中白屋寒。晴林雲影變。午館竹聲乾。  
謝客孤蹤僻。看花一枕安。王孫歸未得。誰共與馨歡。

夏日書適

柴闥日無事。午景對晴窗。迸笋碍過客。標梅驚睡老。  
山光開帝網。海色入浮幢。了義斯經在。何曾問樂邦。

偶興

風土元相得。住來只愛閑。毫端無法刹。几上有雲山。  
素態行藏外。精神寤寐間。幽吟聊自適。眇思不須刪。

南山外集

卷之二

六

釋明山詩



晴色雷鳴後。清風客到初。殘雲遮野郭。流潦入郊渠。  
紅委花邊徑。綠圍林下廬。泥途猶可畏。下澤未巾車。

舟下隈水

柔櫓長河遠。安流寧厭遲。岸花逢乍過。山色近還移。  
風起禽呼友。雲低雨促詩。悠悠逝川嘆。後興不堪期。

漁家晚興

涼風起江介。落日照青蘋。簔笠時思伴。野航常有鄰。  
柳汀移泛宅。蘆岸寄垂綸。寧學羊裘客。醉鄉足隱淪。

病中作

病色當秋夜。蕭然擁毳衣。風泉偏激越。霜月更凄暉。  
有患身難避。無生理易違。鄰鐘扣清曉。落落小星稀。

嚮諸君見訪。弊廬只野君。以公事先歸。舉坐悵  
然。他日有詩見贈。因次韻謝荅。

高談歡未終。中坐失車公。已識心偕會。何妨道不同。  
曲簷歸路雨。岸幘暮橋風。別後幽鍵閣。玄關幾日通。

遊龍光院

龍光龍去後。深院古松殘。風軒天籟度。雲磬夕陽寒。  
新茗烹清澗。衆香傳晚餐。主人湖海意。同作昔年看。

夏月同諦公賦

鳴蛙幽梵後。棲鶴夜禪中。月露青松冷。烟波碧水空。  
開窗納爽氣。移榻逐涼風。誰識玄關裏。新詩清賞同。

路旁墳

斷碑蓬顆上。弔古獨低回。寧識窮途淚。更生行路哀。  
龜趺宿草沒。馬鬣舊封頽。祖道分餘酌。蒼茫長夜臺。

春日野興

初風吹宿莽。時鳥弄晴妍。細路當花折。孤村入竹偏。  
遠山猶帶雪。平野迴生烟。斜日歸牛下。依依對暮天。

雲林小隱圖

青嶂漸深處。孤烟識竹堂。晴嵐生邃樾。昨雨及低梁。

午徑穿花暖。春泉洗藥香。幽人無長語。藉草憺相忘。

春日田園雜興

幽墅春光靜。比鄰野事同。林花多綻雨。田穉始勝風。  
村鼓賽先畷。溪毛薦社公。今朝聞戴勝。應是促農功。

登愛宕山

宕峰俯雄鎮。巖壑有靈暉。岳日鐘邊落。海霞帆外飛。  
猿藏幽洞樹。僧掩古龕扉。回望來過處。樓臺隔翠微。

早春雨

一夜春城雨。萬家靜市聲。霏微催柳意。散漫動花情。  
凍解池容潤。雪消林態輕。幽閑聊可喜。獻歲倦逢迎。

山中禪師

眼界江湖盡。空山挂錫時。天紳垂洞戶。雲蓋護蓬茨。獨坐羣魔爽。片心唯我知。欠伸午眠起。白日落松枝。

春雨偶興

泥濘無過客。郊扉對碧巒。詩篇心外得。花事雨中闌。雙燕來春社。孤鶯嘯暮寒。素交總零落。芳序與誰歡。

新新亭晚興

孤亭依翠微。四面對林泉。海遠潮聲靜。山晴暮色高。逢迎輟禪誦。商榷及風騷。歲物助詩思。新新入彩毫。

送靜菴福詞伯歸京師

天涯傾蓋日。恍似舊知音。千里萍遊跡。一燈蓮社心。花飛歸興急。月落別襟深。後夜京華夢。或應到翠岑。

冬曉

重衾如灑水。斗帳覺宵長。推枕時窺戶。攬衣徐下床。寒泉咽幽澗。暗霰度疎篁。城鼓先羣動。林禽起曙光。

諸子至席上示田伯休

輟君讀書課。參我喫茶禪。靜坐知涼至。安心愛地偏。僧歸青嶂夕。月上白雲巔。近有城中約。紅塵若箇邊。

龍谷雜詠龍谷者觀鸞上人塔廟之地也文化辛未為其五百五十年忌法裔讚州

長善寺意戒上人徵詩

龍谷龍何在。猶龍真氣存。金門通貴籍。淨刹育龍孫。  
時是半千緬。法仍後五尊。誥誥非祖意。難易莫相論。

中秋偕邊黃美玩月山葢

客至秋山暮。捲簾坐敞軒。歸雲收紫翠。明月破黃昏。  
玉宇星辰澹。祇林烏鵲翻。城中歌管迴。清影落誰樽。

山驛阻雨

千里聞關客。三冬鬪發時。寒雲遮旅望。積雪阻歸期。  
山晚掩門早。驛貧賞酒遲。孤吟還自和。無復故人知。

壬申早春

止月催新賞。山河變舊年。林丘纔解雪。楊柳未生烟。

閑憊茶賓後。清忙花事前。不知聽禽地。何處命荆筵。

春雨

負郭崇朝雨。一犁潤薄田。霏微催柳徑。厭浥養花天。  
新燕補殘壘。低鶯轉溼煙。漸知春事近。丁壯向東阡。

送桂峰上人還肥前

關外遊應倦。薰風捲衲衣。千山杜鵑叫。萬里故人歸。  
吾道艱難在。時才桃李非。期君還舊業。長養杜靈機。

山菴冬日

獨往平生跡。山閣別院通。澗聲冰處斷。巘路雪邊窮。  
遺世逍遙外。流年放曠中。人間幽絕事。收在古茅宮。

初夏山園雜興  
春盡青山靜。竹房鎖夕霞。鶯梭織密柳。蛛網罨殘花。  
童懶信荒草。客來試晚茶。同中時有異。不免惜年華。

山菴偶興七首

白路橫青巘。湖田接澗村。託踪雲外賞。謝客雨中門。  
玄寄杳無寄。忘言忽得言。蕭然幽塢晚。歸鳥識黃昏。  
淡旬時一過。別院入疎林。午景桐陰直。茶烟竹色深。  
白雲猶出處。紅日尚升沈。素適無常事。殘經古佛心。  
昔聞避秦者。閱跡武陵濱。清世重遷徙。窮山絕隱淪。  
同居本瘠土。別業豈他人。但是松蘿下。翛然足養神。

向來湖海興。一卧事沈冥。茅絮秋蕪白。松標晚嶂青。  
影應息嘉蔭。文豈勒山庭。孤梵無人和。琅琅小品經。  
城市牛鳴外。幽喧隔一丘。山明紅樹晚。門掩白雲秋。  
借問風塵客。寧知寂寞遊。飛霜雙鬢冷。歲月為誰道。  
南麓開幽墅。獨遊趁歲華。徑穿紅藥入。窗對綠陰斜。  
空翠他山雨。風香何處花。柴門多不掩。鎖鑰寄鄰家。  
憑几茅軒下。翛然對碧山。一殮只期飽。萬事不如閒。  
鵲叫雲崩處。花飛夕照間。塵緣不曾到。鎮日靜松關。

贈竹齋道人 并序

圖書滿架。冥搜玄覽。不若長歎崑崙。傲晚瀛

海。烜赫鉅力。金支北斗。不若肆意攝生。優遊延年也。遠遊遂志之士。真教圓位之後。獨得居士。槐青耳。其所好。不過平章雲月。眷言申詠。而志則在幻六合。空萬法也。可謂其道甚易。而其志甚難矣。其詞。厘厘十數言。俗諺俚誦。揔無棄材。故後世寔蕃有徒。然徒喜其易。而昧乎其志。亦何足言哉。竹齋道人在雄都。萬斛塵中。一聞松島之勝。於二千里外。鵲起而徃東。其退志與道於青居士也。可知焉。既窮松島鹽浦。更探平泉南部。歸訪余於仙臺。

時余還自京師之三日。車馬尚有行色也。道人告曰。今秋將一歸浪華。而又遊瓊浦。嗚乎。真鐵脚哉。余雖未覩。聞其詠言。然其難者。既能之。其易者。奚問焉。及其乞題行卷。遂陳片言。申之以詩。

遊踪不假馬。輕舉略西東。行住奚囊外。春秋椽筆中。片言鬼神爽。一世水雲同。興盡詞窮處。始應了色空。

悼豐洲陰文熙三首

禮經聞早歲。賦頌振頽風。生死天難問。文章道欲窮。微言一縷外。玉骨九原中。松桂存餘勁。寒飈颯晚空。

檢契曾相許。神交三十年。束帛千里隔。挂劍片言傳。  
涕淚寒秋雨。風流斷夜絃。寥寥天地際。古業落誰邊。  
逝者陰夫子。黃壚無片虞。親僚脩後事。賢配撫哀孤。  
詩為君恩重。名因友義孚。勒銘慚有道。迸淚灑龜趺。  
余為製其碑文

病中

病味久如薺。且甘百不能。身心歸一寐。色相屬孤燈。  
翳去觀空淨。石除想水澄。宵深誰問渴。獨叩藥研冰。

病中除夜

寥寥諸品靜。索索病懷空。栖鳥驚風灌。飢狐呼雪叢。

流年孤枕迫。殘夜一燈窮。新故人間事。送迎瞑目中。

送潛龍上人之黃蘗

研孟辭茂岳。久客弊征袍。雨雪禪容瘦。江山詩格高。  
遊方期壯志。未運惜才豪。菟道君歸處。曾遊入夢勞。

三日

春光過強半。一卧至重三。因懶惟親枕。止斟不問甌。  
桃花猶寂寂。柳色漸緹緹。何處風流客。禊堂觴詠酣。

秋日漫興

殘炎纔霽威。日夕靄秋暉。高宇梧陰澹。幽階草露微。  
頻年客東滯。昨夜鵲南飛。吾道青山在。清風一振衣。

秋保漫興

欂盤窮巖路。雲壑閔靈淵。墟落圍三戶。桑麻自一天。  
空潭搖樹影。淺瀨走湯烟。興勝淹留久。幽吟得累篇。  
白傅云桂花為佳客。紅蕉當美人。竒矣然之物。  
不恒有。則不免落維摩眷屬之後。余因有作。  
十歲南山下。住來似有因。更營千古宅。老却一閑身。  
明月為佳客。幽禽是美人。逐時恣妙賞。自比葛天民。

山葵客去

愛日山窗下。閑來想昨遊。客歸諸累息。興往一身體。  
寒籟振疎木。殘陽照夕流。孤生宜偃蹇。暮色對林丘。

宿禪房

淹賞安禪地。閒房臨碧潭。身驚小劫坐。心契一乘譚。  
幽磬沈虛籟。寒燈耿夜嵐。善來別峯月。清影是同參。  
送村魯巖之東都

離袍裝曉色。征馬發餘春。常少披襟日。更逢分袂辰。  
諸生縱惜別。一命喜榮親。千里飛雲下。須思白髮人。  
桑海

長波七十里。片席破朝氛。岸隔鄉音異。山開地脈分。  
回看張海雨。半是勢州雲。早已城樓近。粉堦落日曛。  
自浪華放舟至尼崎



長堤行不盡。短棹一川平。萑葦秋風亂。汀洲午雨晴。  
雲圍海岸寺。山抱石崎城。渡口舟將棹。落日暮鐘聲。

新堰渡

重来新堰口。闕樹尚依然。利涉人爭渡。長波風送船。  
山容晴帶雨。潮氣晚生烟。身迹長江水。悠悠又一年。

相陽道中

朝來發山驛。客思轉蕭騷。秋霧村春遠。西風野笛高。  
關河移旅興。日月換征袍。原自輕千里。寧辭跋涉勞。

早發

清風收宿雨。霽靄澤鄉西。落月雞聲亂。朝雲馬色迷。

露浮原草重。水漲野橋低。歲歲常為客。孤生安旅栖。  
發塔澤向駿州。既而甚雨暴風。塔澤之地。一夕  
陷沒數十家。聞之愕然。因賦以記異。

誰把龍蛇域。來為遊樂區。風雷斯赫怒。悲爽代歡娛。  
父老多魚鼈。樓臺半有無。乃知天地變。不獨歷陽湖。

杉田眺望

斷山吐紅日。積水漾晴暉。帆影連青靄。鐘聲殷翠微。  
風煙猶旅食。歲月復寒衣。客興無常跡。立看渚禽飛。

登離山

在鎌倉

登陟離山頂。豁然俯海門。風烟歸一曠。梅柳遍千村。

淪茗憐幽趣。班荆喜款言。晚來更明媚。返照落潮痕。  
宿脩篁菴

脩篁藏古寺。遊陟轉深沈。月上瑤璃界。花圍薜蔔林。  
一成青嶂夢。長寄白雲心。殿宇看荒廢。寶園誰布金。

武溪夜話示穎上人

時公寓建長寺勝上巘

孤龕風雪夜。一遇弟兄心。客裏情愈渥。閑中語更深。  
寒燈照匡坐。香裊豁靈衿。何日攀幽巘。追隨謝遠尋。

宿增田驛

宿家主人業酒

非有邀招在。却憐卒爾歡。百壺家釀富。一室客眠安。  
驛樹人聲近。郊橋馬色寒。僕童呼不起。窗外日三竿。

蒲山中值重陽

他席重陽日。深山三戶村。風塵辭世路。雲樹入仙源。  
紫栗墮苔砌。黃花泛瓦盆。人禽皆自適。隨意對芻樽。

登山寺

青山尋寶地。嵐際梵宮分。白日曼陀雨。碧霄樓閣雲。  
真談聯石榻。玄解折金文。怡賞難常得。岳鐘響夕曛。

宿山寺

幽踐隨輕策。空山暝色生。聽鐘知寶所。問法宿香城。  
潭月龍魂冷。松風鶴夢清。妙猷兼勝槩。諸累似除醒。

宿島寺

琳宮巖島上。斗絕類駸伽。海印分羣象。梵聲入萬波。  
曠觀清不寢。幽事夜殊多。明發孤舟遠。晨雲隔翠螺。

春雨

連朝芳節雨。處處發生齊。厭浥花枝重。離披鳥翼低。  
莓苔幽徑露。車馬勢門泥。何處王孫滯。天涯草又萋。

壽星圖

老翁何處至。古貌望知靈。率土逢康日。人間見壽星。  
祥應歸有道。福本集虛庭。却笑沈醜客。謾期彭祖齡。

初夏田園雜興

薄田斜帶郭。隴畝水南東。春盡茶天後。人來麥雨中。

衡門穿竹出。細路入花窮。我業無餘事。詠歸幽國風。

寄懷曹源三舟禪師二首

關驛二千里。睽離二十年。偶因遊客說。方審道容堅。  
想在西山月。共論南嶽禪。懸知機更密。一語不曾傳。  
住山吾豈敢。放曠愧寧居。頂上把茆重。晉間三篋疎。  
音書人契濶。江海夢躊躇。為報庸才朽。狂豪尚未除。

偶興二首

閑生耽宴寐。繕性保殘軀。苦樂有身有。順違無念無。  
人情總堅白。世事幾臯盧。靜誦泥洹典。金文砭老愚。  
觀破諸塵色。慧鋸似發硎。明心千載業。了義一床經。

嬾藥披宮錦。晴峰涌帝青。暢哉人外賞。宴坐自惺惺。

入前秋霖

陰霖貫旬朔。長雷接簷端。積潦秋蕪白。沈雲晚郭寒。冥濛輟披閱。泥滓阻朋歡。曠望殊蕭寂。孤吟獨倚闌。

早春三首

餘寒猶側側。春事起踈慵。賀客迴朝騎。齋僧會午鐘。早花變園色。殘凍勒池容。幾日乘輕屐。煙霞躡碧峰。漸覺陽和遍。韶華草樹催。池風行綠水。林日度紅梅。研匣乘閒拂。書衣向暖開。遙知樂郊客。歌管醉春臺。北陸寒威淺。南榮綺景長。鄉心人日酒。春夢少年場。

野水縱橫綠。山花取次香。晚來幽事絕。呼燭對書床。

宴晁松廣官舍

官舍招尋日。春風駘蕩初。園花紅已綻。階柳翠將舒。藻翰論文處。從容退食餘。罄歡不知暝。芳月照歸車。

敬業堂賞月

高堂敬業處。乘月共經過。涼露秋愈靜。清輝夜更多。微雲時點綴。踈漢且橫斜。好是同牕侶。對光期琢磨。

山菴秋興

屏跡寧須遠。境閒不在深。耕芸思沮溺。詩律薄高岑。霜栗拆如笑。風蒿戰似吟。殘生貧所樂。昨夢亦何心。

新歲口號

開歲仙臺曉。麗譙標彩霞。松吹太平律。雪獻樂郊花。  
山靜鶯辭谷。春寒客憶家。空門無別祝。先轉白牛車。

過蟠松園弔風軒居士

同庫永相信。宿昔斷金敦。一慟風流盡。千秋感慨存。  
寧知窮歲宴。終弔獻春魂。遺愛蟠松色。清風不可諉。

夢遊廬山

妙夢幻遊地。恍然入碧峰。過巖皆似虎。何樹不如龍。  
淪日東西梵。深雲上下鐘。曾經讀嶽志。知是導神蹤。

郊行

杖藜無的處。縱步出郊門。殘日花陰路。春風酒氣村。  
牛羊下野色。薇蕨長燒痕。行客多歸興。呼船渡口喧。

偶作

永晝殊蕭寂。迢迢錯昨今。幽蟬曳清響。新竹散涼陰。  
日月過閑事。文章老祕襟。儵然隱鳥几。無物荅孤吟。

秋保遊浴雜詩

追隨二三子。燕宿古村中。野實存真味。瓦盆想素風。  
酒無一日長。詩有數年功。淹息遺身世。優游歲足終。

秋日登山寺

漸知上方近。人語隔溪聞。池淨魚緣樹。地高犬吠雲。

茶烟颺夕照。木葉墮秋分。瞻履皆蕭灑。仙凡不亂群。

山院秋夕

淡月到山院。門徑長秋蘿。香穗爐中直。松陰戶外多。禪衣裁薜荔。野榻拂盤陀。蕭寂諸緣息。時看獨鶴遊。

漫興

遁居境相得。岑寂白雲層。兀坐樹俱老。放言谷自鷹。禪心四安樂。世事百無能。清蔭一叢竹。長年粥飯僧。

嚴子陵圖

羊裘幾歲月。物色帶餘腥。雙眼無天子。九霄有客星。豈於名爵屈。少為故人停。今古爭圖畫。富春山鎮青。

桃源圖

仙源何處是。洞口暮春初。兩岸桃開遍。一村人憺如。不知秦後事。猶讀火前書。千古有無跡。誰能問老漁。

五言排律

寄鵬齋龜先生

方今天下指先倭。老鵬齋。白舉康成飲。玄探揚子懷。從遊歸顧眎。經藝取模楷。教授於人厚。風流與俗諧。雲霞文世界。日月酒生涯。梅徑散芳雪。松門墮綠釵。詩筒千里遠。書闥幾年排。何得珪璋贈。誦珎醫病骸。

宿巨鼇山

瀛津古關外。寶刹倚幽岑。雲隔芙蓉嶽。海明蒼蘆林。  
鰲頭危塔湧。鵬際屢樓沈。不特江山勝。依然故舊心。  
淹留隨敬愛。款晤協追尋。非是塵勞息。何知人境深。  
別言存久要。千里屬瑶音。

冬日南山社集席上分韻

遊期適晴美。社客問山家。一路通禪境。羣言酌道華。  
寒風吹墜葉。落日散天花。香飴傳清養。醇醪醉彩霞。  
譚鋒動頑石。詩料算恒沙。須辨衣中寶。寧分門外車。  
溪橋有閒月。莫厭夜程賒。

南山外集卷二

